

Na osnovu člana 22 Statuta Brčko distrikta Bosne i Hercegovine ("Službeni glasnik Brčko distrikta BiH», brojevi 1/00, 4/00, 7/04, 20/05, 24/05 i 3/07) i člana 45 Poslovnika Skupštine Brčko distrikta BiH – prečišćeni tekst («Službeni glasnik Brčko distrikta BiH» broj 11/03), Skupština Brčko distrikta BiH na 45. sjednici održanoj 28. marta 2007. godine, donijela je

O D L U K U

O UTVRĐIVANJU NERADNIH DANA U BRČKO DISTRIKTU BiH

ZA APRIL 2007. GODINE

Član 1

Ovom odlukom utvrđuju se neradni dani u Brčko distriktu BiH u vrijeme nastupajućih značajnih vjerskih praznika:

- Vaskrsa (pravoslavnog);
- Uskrsa (katoličkog).

Član 2

Analogno odredbama člana 5 Zakona o praznicima Brčko distrikta BiH ("Službeni glasnik Brčko distrikta BiH" broj 19/02), s obzirom da oba nastupajuća praznika padaju u nedjelju 8. aprila 2007. godine, kao neradni dani za vrijeme praznika iz člana 1 ove odluke utvrđuju se 6, 9. i 10. april 2007. godine.

Član 3

Sve institucije Brčko distrikta neće raditi tokom neradnih dana iz članova 1 i 2 ove odluke.

Gradonačelnik i predsjednik Pravosudne komisije dužni su da izdaju uputstva o održavanju minimuma funkcionalnih kapaciteta institucija koje se bave pružanjem vitalnih javnih usluga tokom neradnih dana u Distriktu.

Član 4

Ova odluka stupa na snagu danom donošenja i objavit će se u «Službenom glasniku Brčko distrikta BiH».

Broj: 0-02-022- 32/07
Brčko, 28. mart 2007. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić, s.r.